

С. С. АРЕВШАТЯН. К истории философских школ средневековой Армении (XIV в.). Изд-во АН Арм. ССР, 1980, 79 с.

Հայ փիլիսոփայության պատմության հետազոտողները գրեթե չեն դիմել պատմահամեմատական մեթոդին, էլ չենք խոսում պատմատիպաբանական մեթոդի մասին: Սակայն հենց այս մեթոդների շնորհիվ կարելի է ըստ արժանվույն գնահատել այս կամ այն ժողովրդի անցյալի կուլտուրական արժեքները, բնութագրել այդ ժողովուրդների ներդրումը համաշխարհային քաղաքակրթության պատմության մեջ: Այդ իմաստով գրախոսվող գիրքը ձեռք է բերում կարևոր նշանակություն:

Տվյալ հետազոտությունն ուղագրավ է երկու առումով: Նախ՝ տրվում է միջնադարյան Հայաստանի (XIV դարի) փիլիսոփայական դպրոցների կազմավորման նախադրյալների և ընթացքի բնութագիրը: Ապա՝ առաջ են քաշվում և գիտականորեն հիմնավորվում հետազոտության մեթոդաբանական սկզբունքները, որոնք հեղինակին հնարավորություն են ընձեռում նոր ձևով լուսարանելու և գնահատելու միջնադարյան հայ փիլիսոփայության ամենահետաքրքիր էջերից մեկը: Խոսքը վերաբերում է Արևմուտքի «առաջին» ծավալուն գաղափարական էքսպանսիային, կաթոլիկ միսիոներների գիտափիլիսոփայական և գրական գործունեությանը, նշված ժամանակաշրջանում Հայաստանի հոգևոր մշակույթի մեջ նրանց տեսական ժառանգության դերի ու նշանակության հարցերին:

Անցյալում հետազոտողները հայ եկեղեցու ինքնուրույնության համար Արևմուտքի գաղափարական ներթափանցման դեմ մղված պայքարում ընդգծում էին միայն գաղափարատեսական և քաղաքական-գաղափարախոսական մոմենտները: Նման մոտեցման տրամաբանական հետևանքը եղել է այն, որ պապական միսիոներների և նրանց հայ հետևորդների կողմից ստեղծված գիտափիլիսոփայական ու թարգմանական գրականության գնահատականի նրկատմամբ ձևավորվել է խիստ բացասական դիրքորոշում, լիովին ժխտվել կամ անտեսվել է այս գրականության գիտամշակութային նշանակությունը միջնադարյան հայ փիլիսոփայության զարգացման գործում:

Աշխատությունը կազմված է ներածությունից և երեք գլուխներից: Ներածության մեջ տրված է Գլաձորի և Տաթևի դպրոցների գործունեության

համառոտ բնութագիրը՝ առաջավոր փիլիսոփայական գաղափարների զարգացման լուսաբանման և կաթոլիկ էմիսարների ու հայ ունիթորների կողմից Հայաստանում տարածվող կաթոլիկական գաղափարախոսության տեսական հերքման տեսանկյունից:

Ս. Արևշատյանը, ելնելով պատմափիլիսոփայական հետազոտության մարքսիստական մեթոդաբանությունից, առաջ է քաշում սոցիալ-մշակութային երևույթների ուսումնասիրությանը տարբերակված մոտեցում ցուցաբերելու գաղափարը, որի համաձայն որքանով արդարացված է գիտական գործունեությունը իր քաղաքական-գաղափարական կոնտեքստից լիովին անջատելը, նույնքանով անհիմն է դրանց նույնացումը: Ինչ կերպ ասած, կաթոլիկ միսիոներների քաղաքական և գաղափարախոսական գործունեությունը, որը խիստ բացասական նշանակություն է ունեցել հայ ժողովրդի պատմական քախտորոշման համար, պետք է որոշակիորեն սահմանազատել նրանց գիտական գործունեությունից, չնայած որ վերջինս կոչված էր կատարելու որոշակի գաղափարախոսական ֆունկցիա՝ տեսականորեն ապացուցել կաթոլիկական դավանանքի առավելությունները: Այդ իմաստով հաշվի չառնելով ունիթորական շարժման գաղափարախոսների սուբյեկտիվ նպատակներն ու ձգտումները, միաժամանակ պետք է նկատել, որ նրանք օբյեկտիվորեն դրական ազդեցություն են ունեցել միջնադարյան հայ փիլիսոփայության զարգացման վրա, այն հարստացրել են մի շարք հետաքրքիր գաղափարներով ու դրույթներով, նպաստել են Արևմտյան Եվրոպայի հոգևոր մշակույթի հետ ուղղակի կապեր հաստատելուն, կապեր, որոնք հնարավորություն են տվել հաղորդակցվելու արևմտաեվրոպական փիլիսոփայական մտքի նվաճումների հետ:

Ս. Արևշատյանը, ինչպես ներածության, այնպես էլ հետագա շարադրանքի մեջ ցույց է տալիս, որ արդեն «հակակաթոլիկական կուսակցության» ներկայացուցիչները (Եսայի Նչեցի, Հովհան Որոտնեցի, Գրիգոր Տաթևացի) Արևմուտքի հավանությունների դեմ մղվող անողորմ ու անհաշտելի պայքարի պրոցեսում «կարողացան կաթոլիկական քարոզիչների գիտական-գրական, լուսավորական գործունեու-

թյան օգտակար կողմը տարրերն էլ հայ եկեղեցու համար վտանգավոր պապականության մտադրություններին (էջ 7): Այս կարևոր փաստը անուղադրության է մատնվել հայ փիլիսոփայության պատմության հետազոտողների կողմից:

Կաթոլիկ միսիոներների գործունեության հիմնական խնդիրներից մեկը եղել է կաթոլիկական դավանանքի սկզբունքներն ու դոգմաները հայ ժողովրդի մեջ տրամադրելը: Սակայն պապական կուրիայի նկրտումների հաջող իրականացման համար նրա էմիսարներին անհրաժեշտ էր ոչ միայն մոտիկից ծանոթանալ սոցիալական իրականությանը, այլև խորամուխ լինել հայկական ազգային հոգևորանության, մշակութային ավանդույթների, ժողովրդի կենսական հոգևոր պահանջմունքների մեջ: Այդ իսկ պատճառով, «կաթոլիկ հեղինակների գրելի տակից գուրս ելած երկերը չի կարելի կտրել նշված ժամանակաշրջանի հայ հոգևոր մշակույթից», բանդի դրանք, որոշ իմաստով, հայկական մշակութային միջավայրի ծնունդն էին և գրվել են նրա համար (էջ 11): Հենց այս, գիտամշակութային տեսականության անվիճելի, փաստի գիտակցմամբ է պայմանավորված հեղինակի հետազոտության թեմայի ընտրությունը, մի ընտրություն, որը վերկայում է այն մասին, որ նշված թեմատիկան իր արժանի տեղը պետք է գրավի հայ միջնադարյան փիլիսոփայական մշակույթի պանթեոնում:

Դրախոսվող գրքի առաջին պլուսը նվիրված է XIV դարի Արևելյան Հայաստանի կաթոլիկական կենտրոնների, մասնավորապես Սործորի և Քրոնայի դպրոցների գիտական-գրական գործունեությանը, երկրի մշակութային և գաղափարական կյանքում նրանց ունեցած դերի վերլուծությանը: Հեղինակը օգտագործում է լատին և հայ ունիթոր հեղինակների հիմնական աշխատությունները, տալիս է նաև լատիններից կատարված թարգմանական գրականության ցանկը: Նա բացահայտում և արժեքավորում է դրանց նշանակությունը ազգային հոգևոր մշակույթի հետագա զարգացման գործում: Մասնավորապես ցույց է տրվում, որ Բարթոլոմեոս Բոլոնացու «Դիալեկտիկան» տրամաբանության ուսումնական ձեռնարկ է ծառայել ոչ միայն ժամանակի, այլև հետագա դարերի հայ բարձրագույն դպրոցների համար (էջ 24), որ նշված աշխատությունը հայերին ծանոթացրել է անցյալի տրամաբանական տեսությունների լատինական մեկնաբանություններին և ժամանակի արևմտամետոպական տրամաբանական մտքին: Այսպես, օրինակ, Բարթոլոմեոսի «Դիալեկտիկան» հայ տրամաբանական գրականության մեջ առաջին անգամ մտցնում է կատեգորիկ սիլլոգիզմների մոդուս-

ները մտապահելու եղանակները (էջ 25): Խոսելով Բարթոլոմեոս Բոլոնացու աշխատությունների նշանակության մասին, հեղինակը ձգտում է, սակայն, հիմնավորել այդ՝ հակիրճ և սպառիչ բնութագիր տալով այն պրոցեսներին, որոնք տեղի են ունեցել քննարկվող ժամանակաշրջանում ժողովուրդների ինտելեկտուալ-հոգեվոր և քաղաքական կյանքում: Հենց սրանով է հեղինակը բացատրում այն փաստը, որ մինչև XIV դարը հայ թարգմանական գրականության մեջ գերիշխում են հունարենից, իսկ XIV դարից սկսած՝ առավելապես լատիններից կատարվող թարգմանությունները:

Ամփոփելով ունիթորների գիտական-գրական և գաղափարական գործունեությունը, Ս. Արևշատյանը նշում է. «Եթե հասարակական-քաղաքական տեսակետից լատինական թարգմանական գրականությունը ծառայել է կաթոլիկ եկեղեցու շահերին և բացասական դեր է խաղացել՝ թուլացնելով հայ ժողովրդի ազգային-հոգևոր միասնությունը, ապա կուլտուր-մտավոր առումով այն հիմնականում ունեցել է դրական նշանակություն՝ միջնադարյան հայ գրքագրության ծանոթացնելով արևմտամետոպական մտքի հոսանքներին, փիլիսոփայական այն անողորմելիներին ու պայքարին, որոնց մեջ ներգրավված էր կաթոլիկական Արևմուտքը» (էջ 27): Ս. Արևշատյանը դիպուկ է բնութագրում այդ պրոցեսը՝ անվանելով V—VI դդ. հետո երկրորդ խոշոր ճեղքում դեպի համամարդկային կուլտուրայի հոգևոր նվաճումները» (էջ 29):

Կարևոր է նշել նաև, որ հեղինակը բուն իսկ ունիթորական շարժման մեջ առանձնացնում է երկու հոսանք. մեկը՝ ներկայացված պապական միսիոներներով (Բարթոլոմեոս Բոլոնացի, Պետրոս Արագոնացի), երկրորդը՝ հայ ունիթորներով (Հովհաննես Սործորցի, Հովհաննես և Հակոբ Քոնեցի): Հեղինակը ցույց է տալիս, որ հայ ունիթորները, խզելով կապերը նախահայրերի հավատի հետ և անցնելով կաթոլիկների բանակը, միաժամանակ շարունակում էին մնալ զուտ հայ մշակութային գործիչներ, ի տարբերություն իրենց «նոր հավուրական ուսուցիչների» (էջ 28):

Գրքի երկրորդ գլխում քննարկվում են Բարթոլոմեոս Բոլոնացու փիլիսոփայական հայացքները և նրանց ազդեցությունը Տաթևի դպրոցի ներկայացուցիչների վրա: Ինչպես վերը նշեցինք, կաթոլիկ միսիոներների և նրանց հայ հետևորդների փիլիսոփայական հայացքները հատուկ պատմափիլիսոփայական վերլուծության առարկա չեն դարձել: Ս. Արևշատյանը գիտակցաբար ընտրում է այն պրոբլեմները, որոնց

վերլուծությունը ապացուցում է Բարթոլոմեոսի գաղափարների անմիջական ներգործությունը Տաթևի դպրոցի գիտափոխության ժառանգության վրա: Այսպես, օրինակ, հեղինակը ցույց է տալիս, որ ժամանակի սկզբունքային հարցերից մեկի՝ Աստծո և մատերիայի փոխհարաբերության հարցը քննարկելիս Հովհան Որոտնեցին, Գր. Տաթևացին և Մաթևոս Զուղայեցին հետևել են Բարթոլոմեոս Բոլոնացու հայացքներին: Սակայն փոխափայտության հիմնական հարցի (միջնադարյան տարբերակով) միակ կրոնադեմալիտական լուծումը Ս. Արևշատյանը իրավացիորեն բացատրում է ոչ միայն Տաթևի դպրոցի ներկայացուցիչների վրա լատին մտածողների ունեցած ազդեցությամբ, այլև ներանով, որ թե՛ Տաթևի դպրոցի ներկայացուցիչները և թե՛ լատին մտածողները հավասարապես օգտվել են նույն ընդհանուր աղբյուրներից՝ Սուրբ գրքերից և Արիստոտելի բրիստոնացված փոխափայտությունից: Նույնը կարելի է տեսնել նաև հավատի ու գիտելիքի փոխհարաբերության քննարկման կապակցությամբ:

Գիտության պատմության առումով զգալի հետաքրքրություն է ներկայացնում մարդու և կենդանիների միջև գոյություն ունեցող տարբերության պատճառների մասին բարթոլոմեոսյան բացատրությունը, նրա գաղափարը մարդու ուղղաձիգ դիրքի նշանակության և աշխատանքային գործունեության մասին: Հեղինակը Բարթոլոմեոսի կոնցեպցիան ընդհանուր առմամբ գնահատելով իրեն մետաֆիզիկական, հակաէվոլյուցիոն, միաժամանակ նշում է, որ «նրա դատողությունների և գնահատումների մեջ չի կարելի շտնանել հանճարեղ կոհսումների հատկանք» (էջ 53), որոնք վերցվել և յուրացվել են Գրիգոր Տաթևացու և Մաթևոս Զուղայեցու կողմից: Ողջ միջնադարյան փոխափայտության առանցքային պրոբլեմն է ունիվերսալիաների խնդիրը, որի մանրակրկիտ վերլուծության է նվիրված տրվյալ հետազոտության երրորդ գլուխը: Այս գլուխում տրվում է Տաթևի դպրոցի ներկայացուցիչների և Բարթոլոմեոս Բոլոնացու, Պետրոս Արագոնացու կողմից ունիվերսալիաների պրոբլեմի լուծման համեմատական վերլուծությունը: Հեղինակը բացահայտում է Բարթոլոմեոսի չափավոր-ոեմալիտական կոնցեպցիայի էությունը, ցույց է տալիս, որ վերջինս այն հիմնավորելու համար դիմել է ոչ միայն Արիստոտելի, այլև Դավիթ Անհաղթի հեղինակությանը: Ի հակադրություն Թովմա Աբվինացու լատին հետևողների, հայ մտածողները կանգնած են եղել նո-

մինալիզմի դիրքերում. «Հենց միջնադարյան փոխափայտության համար այս առանցքային պրոբլեմում (Որոտնեցին և Տաթևացին—Ա. Մ.) ունեցան հակադիր դիրքորոշում և փոխափայտության հերքելի Բարթոլոմեոսի և Պետրոսի կողմից քարոզվող, պապական կուրիայի կողմից պաշտոնապես պաշտպանվող թոմիզմը» (էջ 72):

Դրան զուգահեռաբար Ս. Արևշատյանը նույն որոշակի ճշտումներ է մտցնում նոմինալիզմի և ոեալիզմի բովանդակության գնահատման մեջ: Ծիշտ է նկատված, որ «չափավոր» նոմինալիտները շատ ընդհանուր գծեր ունենին «չափավոր» ոեալիտների հետ, միայն այն հիմնական տարբերությամբ, որ նրանք շեշտված ձևով ընդգրծում էին արիստոտելյան տրամաբանության և իմացաբանության մատերիալիստական մոմենտները» (էջ 71): Տաթևի դպրոցի նոմինալիստական կոնցեպցիայի աղբյուրը տեսնելով միջնադարյան հայ փոխափայտության էմպիրիկ-սենսուալիստական ուղղվածության մեջ՝ հեղինակը հատկապես ընդգծում է ևս մեկ ոչ պակաս կարևոր մոմենտ: Խոսքը վերաբերում է այն բազմադարյան եկեղեցական-դավանաբանական սուր բանավեճերին, որոնք մղվում էին ազգային ինքնություն եկեղեցու գոյության արդարացման գաղափարի կողմնակիցների և ունիթորական շարժման գաղափարախոսների միջև: Դրա համար էլ ունիվերսալիաների պրոբլեմի լուծումն ուներ ոչ միայն տեսական-իմացաբանական և տրամաբանական նշանակություն, այլև հաճախ ձեռք էր բերում պրակտիկ, քաղաքական-գաղափարախոսական հնչողություն:

Գրախոսվող գիրքը առաջին լուրջ ուսումնասիրությունն է՝ նվիրված XIV դարում «Հայաստանում և նրա սահմանամերձ մարզերում ստեղծված կաթոլիկական հոգևոր-մշակութային կենտրոնների գործիչների» փոխափայտական կոնցեպցիաների վերլուծությանը (էջ 10): Նրա մեջ, փաստորեն, դրվում է պատմագիտական մեծ հետաքրքրություն ներկայացնող հարցի սիստեմատիկ ուսումնասիրության անկույտաքարերից մեկը: Այն անշուշտ կնպաստի ոչ միայն հայ հոգևոր մշակույթի պատմության, արևմուտյան միջնադարյան մշակույթի հետ նրա ունեցած կապերի լուսարանմանը, այլև կօղնի արևմտաեվրոպական միջնադարյան փոխափայտության պատմության մշակման մեջ որոշակի ճշտումներ մտցնելուն:

Կ. Ա. ՄՐԻՈՒՄՅԱՆ